

Имом Мотуридий халқаро илмий-тадқиқот марказида нашр этилган китоблар тақдимоти ўтказилди



17:15 / 13.03.2025 1010

Бугун, 13 март куни Имом Бухорий номидаги Тошкент ислом институтида Имом Мотуридий халқаро илмий-тадқиқот маркази томонидан янги нашр этилган «Таъвилот ал-Қуръон», «Баҳрул калом», «Абу Мансур Мотуридий», «Исломда таълим», «Хаттотлик санъати жозибалари» каби 10 дан зиёд китоблар тақдимоти ўтказилди. Тақдимотда устозлар ҳамда битирувчи курс талабалари иштирок этишди.

Китоб тақдимотига ташриф буюрган марказ бўлим бошлиғи, тарих фанлари бўйича фалсафа доктори (Phd) Абдулатиф Аллоқулов йиғилганларни Рамазон билан қутлаб, илмий тадқиқот марказининг

фаолияти, жумладан, таҳқиқ қилинаётган асарлар, таҳқиқ борасида Аҳмад Саъд Даманхурий каби улуғ устозлар бошчилигидаги ишлар билан таништирди.

Марказнинг йўналиши икки хил: таҳқиқ ва таржима йўналишларида фаолият олиб бориши. Таржима асарларни етти нафар тадқиқотчи бирма-бир кўриб чиқиб, ундан сўнг марказ раҳбари кўриги бўлиши ва шундан кейингина нашрга берилиши айтиб ўтилди. Энг кўп урғу берилаётган нашрлар «Табсиратул адилла» ва «Таъвилотул Қуръон» асарларининг таржимаси эканлигини ҳам эслаб ўтди.

Шунингдек, маърузада илмий фаолият қилиб ўтган уламоларнинг таржимаи ҳоллари ҳамда мотуридийлик автобиографияси тайёрланаётгани, бу ишда эса маъҳад-мадраса битирувчиларининг фаоллиги алоҳида таъкидланди.

Тақдимот сўнгида марказ бўлиб бошлиғи Абдулатиф домла институт битирувчиларини фақатгина имом-хатиблик ёки мударрислик билан чекланиб қолмасдан, илмий тадқиқот марказларига ташриф буюриб, илмий йўналишда ўз устиларида кўпроқ ишлаш имконидан мазмунли фойдаланишларини тавсия қилди.

Шундан сўнг институт раҳбарияти номидан институт кутубхонасига совға қилинган асарлар ва ҳамкорлик учун миннатдорлик маъносида марказ директори Жамолиддин Каримовга ташаккурнома топширилди.